

續行水金鑑卷第一百五十一

江水 原委六 江南

大江經彭澤縣西北江中有小孤山有泊湖水自彭澤

來會 皇朝通志

又東經彭澤縣城西北有一水南自城西北注之江

中有小孤山濱岸有磯 山在城北江中江 又東有泊

湖水自東南來注之 大泊湖在彭澤縣東境袁延曲折數十里西會一南來之水北

入江 又東北有大洲又東北南岸受小水二中有洲 水道

網提

潯陽江在九江府城北亦名九江即大江也自湖北

興國州界流入瑞昌縣北北岸為湖北廣濟縣界又

續行水金鑑卷百五十一 江水一

東經九江府治德化縣界北岸為湖北黃梅縣界又

東合彭蠡湖水經湖口縣又東北經彭澤縣寰宇記

吳時來江防考江水經小孤山最為險要小孤山之

上二十里曰楊家洲下十里為毛湖 大清一統志

小孤山在宿松縣南百四十里初山在江北岸與岸

南澎浪磯相對江流至此湍激如沸海潮不得上明

成化間北岸衝決為廣流遂獨峙江中勢分險殺而

山愈峻拔 江南通志 今按神禹治水每舉名山大

處其流衍所歷者謂某水經某處其同源異派者則

又云某水至某處別稱為某水故導山之文與導水

又北入江南境 皇朝通志

又北入江南界

大江於江西經四縣境五百里水道提綱

大江又東北經彭澤縣西北二里北岸為安徽宿松

縣界

大清一統志

經東流縣西又經望江縣東有雷水來會經縣東有前長河自潛山縣經英山縣合宿松之南泊湖水來會

皇朝通志

大江北經馬當山北東流縣之西南境也

馬當山橫枕大江為

彭澤東流分界西岸即望江縣東南之雷口有水西北合太

湖宿松二縣水東流注之

前長河有三源一出潛山縣西北境水吼巔之西北

山其北水即淖河北流入淮者南水西南流經重山間曲曲百餘里曰薛家河有一水自西北來會又東南流百餘里來會即西源也又東至青山縣東境山東南

續行水金鑑卷百五十一

江水二

曰羊角河自潛山西境山西南流百餘里來會又東南數十里分為二派一東南流經太湖縣城西南一東流經城北折而南經其東又南復合東南七十里為泊湖又東南流為前長河六十里至望江縣西南有南泊湖水自西來會南泊湖水西北出宿松縣西北界之二郎河東南流八十里經縣城西南分二派一南注龍湖入江其一東流經縣東南境有預縣河自北山經縣東而南來注之又東南四十里折而東稍北為泊湖又東八十里會前長河東流經望江縣城南之吉水鎮前又東入江即古雷口也

綱道提

安慶府志大江自湖廣黃梅縣東流入宿松縣南一

百二十里對岸為江西湖口彭澤分界又東北經望

江縣南十五里對岸為池州府東流縣界又九江府

志大江又東北經彭澤縣西北北岸為安徽宿松縣

界又東北入安徽望江東流二縣界 雷水亦曰雷

池亦曰大雷江亦曰大雷口今名楊溪河源出湖廣
蘄州黃梅縣界派流至宿松縣西北四十里隘口合
流曰三溪河至縣西北三十里曰二郎河又曰清灣
河又至縣西一里曰縣西河又南行五十餘里出龍
湖曰洿池河又東過泊澇湖經望江縣南五里曰楊
溪河又東抵華陽鎮南入江晉咸和二年溫嶠欲率
衆下衛建康庾亮報嶠書曰足下無過雷池一步又
義熙六年劉裕討盧循軍於雷池宋鮑照有登大雷
岸與姝書隋書地理志宿松有雷水寰宇記望江縣
大雷池水西自宿松縣界流入至縣東南積而爲池
謂之雷池又東流至縣南去縣百里入於江爲大雷

續行水金鑑卷百辛

江水三

口相近有小雷口明統志雷池在望江縣東南又十
五里入江名雷港 前長河明統志楊溪長河在望
江縣南五里有三十六斷 南泊湖望江縣志宿松
縣龍南諸湖之水滙於泊湖其水東流湖之口又東
達雷港入江明天啟中雷港爲浮沙所塞今自華陽

鎮入江

大清一統志

又東北有香口河自建德縣經東流縣來會經縣北有
漳湖合上流諸湖水來會

皇朝通志

又北至望江東境近西岸有洲東岸依山麓又東北

爲香口河口

香口河兩源一出建德縣南境石門嶺西北流一出桃墅嶺東北流合而北流

百里曰前河折而北流經縣城西南堯城鎮東又北流折西北至東流縣東南有一水南自山中來會曰

香口河又西流經縣城南又西入江水
口西岸稍南即望江縣東北之華陽鎮又北經縣城
西北又北西岸有漳湖溝口
湖在望江縣北境周四里東南流為溝入江

水道
提綱

香口河在建德縣東南流六十里其源有二合流至

香口入江
大清一統志

漳湖在望江縣東北六十里受武昌青草白土諸湖

之水北經埭溝河至山口入於江
江南通志

又有皖水潛水自潛山縣經皖口來會
皇朝通志

又北六十餘里折東北流經安慶府治懷寧縣西南

境數十里至縣南有長河西合潛山諸水來注之即

古皖水曰皖口
長河數源出潛山縣西北山東流經縣城北而東南者曰賓河又北曰黃

續行水金鑑卷百五十一
江水四

花河又北曰破越河皆西出山中東流經青口驛南
折東南流有西源曰西河出西境山東流經縣城南
而東與北三水會又東稍南至石牌鎮有地靈河自
西來會俗總名曰石牌河又東有白沙河與晶靈河
西自小池驛合而東流來會又東有靈里河及北關
口河西南自太湖縣東北境合而東北流來會又東
南經府西境曰長河至府城
西南東入江 水道提綱

大江又東北經望江縣對岸為池州府東流縣界又

東北經懷寧縣西繞城南而東寰宇記大江水在懷

寧縣西一百八十里與望江縣分界至皖口南對江

州東對石牌中流與彭澤縣分界 皖水今名長河

源出潛山縣西北天堂山東南流經縣西北二十里

又南至縣東二里會潛水又南至石牌市與太湖縣

東諸水會又東南經懷寧縣西十五里又南入江元

和郡縣志自壽州霍山縣流入經縣北二里又東南流二百四十里入大江謂之皖水寰宇記在懷寧縣西北潛山縣志皖水亦名後河源出天堂山之龍潭東經烏石陂至縣東二十里陶阜分爲二支一由破越溪至府西石牌坊入江一經縣東二里與潛水合亦達於石牌懷寧縣志一名長河北自潛山縣分烏石吳塘二支奔瀉二百餘里會於康平山又太湖縣水亦奔瀉二百餘里至此同會於石牌屈曲七十五里至皖口入江 潛水今名前河源出天堂山相近之羅源山曰羅源澗東南流經潛山縣城北又東合皖水宋史河渠志元豐五年淮南監司言舒州近城有大澤出潛山注北門外比者暴水漂民居知州楊希元築捍水隄千一百五十丈置洩水斗門二遂免淫潦入城之患潛山縣志源出公蓋山經水孔嶺天柱西湖塘堰至縣西北五里白沙河分爲二支一繞縣北東合皖水一繞縣西而南又分爲二支一東南合黃泥港至石牌坊皖水一東經縣南曰黑河明萬曆三十一年知縣于庭采濬之乃與縣北之潛水合案輿圖潛山縣北有賓河又北有黃花河又北稍東有破越河以地勢推之黃花河疑卽皖水而賓河疑卽潛水又案方輿紀要但載皖水在府西源出潛山合潛水南至石牌市東至皖口入江流長三百四十

里卽引宋史河渠志爲證蓋皖潛同流亦通受其名

也大清一統志

經安慶府東南又經池州府貴池縣西北有張溪自建

德縣來會皇朝通志

東經府城東南又東北南岸池州府治貴池縣西境

有張溪自南來注之張溪卽李陽河源出建德縣東境山三水合而北流折西北百

餘里至張溪鎮東又八十餘里至黃湓鎮西又北入江水道提綱

大江經東流縣西與安慶府望江懷寧二縣接界又

東經貴池縣東流縣志自彭澤縣馬當山東北四十

里至香口又三十五里至縣西又三十里至吉陽又

東北四十五里至奔灣雁汊又四十里至黃湓河口

續行水金鑑卷三十五 江水 六

接貴池縣界 張溪在貴池縣西六十里源引大江

以江流之消長爲盈縮本名李王河以李王二姓居

其地也其西五里曰新河自河口出江中有石槎枒

橫突爲攔江羅汊二磯奔流激盪爲運道患南唐發

運司周湛役三十萬夫作支流以避其險自是往來

無覆溺之患大清一統志

又東北有樅陽河自桐城縣經懷寧縣合諸水來會

皇朝通志

又東北至樅陽鎮南有樅陽水西北自桐城縣合諸

水來注之樅陽水數源東北曰魯玉河出桐城縣東

南至縣東南境孔城鎮西北山東南流經呂亭驛東又南流至懷寧縣界練潭驛東有二水自西北來會

倒流河曰掛車河 倒流河二源一出桐城縣北馬頭山東南流經縣城東又南其西一水出五嶺山南流經城西又合一小水東南流來會又東南流與西來之掛車河同入魯玉河 掛車河二源一出縣西南山東南流一出陶衝驛西山東流而合又東南經練潭驛北又東會倒流河入魯玉河又東南流有三安河及沙河自西合而東流來會 三安河出桐城縣西南境山東流經陶衝驛南又東南百餘里至練潭驛南又南有沙河自西來會 沙河雨源在二安河之南東流合而東南有小路口二水西自潛山青口驛之北合東流會沙河又東會三安河又東南會魯玉河又東南經桐城東南界樅陽鎮之西入大道提綱 水

大江又東北經懷寧縣西繞城南而東又東北經桐城縣東南漢書武帝紀元封五年冬自尋陽浮江親射蛟江中獲之薄樅陽而出又郊祀志上巡南郡浮江自尋陽出樅陽過彭蠡 樅陽河今日練潭河在

續行水金鑑卷二百五十一

江水七

桐城縣東南一百二十里源出潛山縣東北界之黃馬河東流經懷寧縣北九十里又東流經桐城縣西南七十里練潭驛南盡滙懷寧桐城二縣北境之水又東南至樅陽鎮入江寰宇記樅陽湖在桐城縣東一百五十里桐城縣志亦名樅陽湖西引練潭北通孔城南達大江安慶府舊志練潭河西受懷寧縣北高河黃馬河諸水北通白兔河沙河 大清一統志

又東北有池河自祁門縣來會 皇朝通志

又東北數十里南岸有池河自南來注之即貴池水

也 池河俗曰雲溪河源出祁門縣北界大洪鎮西北諸山雨水合北流至七都村西折西北流二百里日雲溪河經唐村山南有一水自南來會又西北至府西南之殷家滙東折北流至池州府西五十里北

入大江曰池口
水道提綱

元和郡縣志大江水在秋浦縣北七里宋史河渠志
宣和六年前太平判官盧宗厚言池州大江乃上流
網運所經其東岸皆暗石多至二十餘處西岸則沙
洲廣二百餘里諺云折船灣言舟至此必毀折也今
東岸有車軸河口沙地四百餘里若開通入杜塢使
舟經平水逕出池口可避二百里風濤折船之險請
速開修從之 貴池水在貴池縣西一名池口河亦
名杜塢河水經注貴長池水出石城縣南郎山北流
為貴長池池水又北注於南江元和郡縣志貴池水
在秋浦縣西七里梁昭明太子以其水魚美故封其

續水金鑑卷百五十一

江水八

水為貴池寰宇記水在貴池縣北七里源出秀山池
州府志池口在縣西五里其源有五會於秋浦瀦於
玉鏡潭沼於殷家匯決為灰埠港注於杜塢過鎮山

入江 大清一統志

經銅陵縣西南有大通河自青陽縣合數水來會 皇朝

通志

又東北至府城西北境有通濟河南自城東北來西

北流注之 即池州城河也源二一出府南境唐村山

而西北經府城東又東北岸有羅昌河自西北來

注之 河出羅昌鎮北山東南流又東南岸有梅根港

口 梅根港在貴池縣東北境水有二源西南曰沙塘
河東南南曰石米河合而西北流又有白沙河自西

來會又北流經梅根鎮西北入江又東北經銅陵縣西南境有大通

河南自青陽縣合數水來注之大通河西源曰五溪

五水北流經兩山間又北經縣西南之九華山西麓

又北至大通鎮之南與東源會北入江東源三水一

日分水嶺北水西北流經青陽縣城東而北有博山

河東南自石埭縣北境陵陽鎮西北流來會又北稍

西有喬麥灣河自東南來會又西北至

大通鎮南會西源入江水道提綱

大江又東經貴池縣北又東經銅陵縣西梅根河在

貴池縣東四十五里亦曰錢溪劉宋泰始二年沈攸

之與袁顛相拒於濃河其將張興世逕趨錢溪立營

寨顛遣將陳慶引舸攻之於梅根渚是也胡三省通

鑑注梅根港有鑄錢監故曰錢溪貴池縣志梅根河

源出太樸山與青陽縣五溪河合交於雙河又北達

大江大清一統志

大通河在府東北六十里其源七自青陽者四自銅

陵者三俱會於車橋河至大通鎮入江江南通志

經無為州南有荻港水自銅陵縣合繁昌縣南水來會

又東北經南岸山麓又東北經縣城西有小水口自

南西北中有洲又東經城北北岸有二小水口無為

州南境也曰灰河鎮水口正對南岸銅陵城曰土橋鎮水口又在其東又東北南

岸有小水口又東北北岸有泥汊鎮水口巢湖支津北自巢縣

南經無為州東而南入江之一派也江心有洲南岸有荻港口荻港水出銅陵

縣東南山東北流至順安鎮有二小水合自東南來會又東北流曰新河至黃澣鎮又合繁昌縣南之水

皇朝通志

龍山水折而西北經荻港鎮
南西北入江 水道提綱

大江又東經銅陵縣西與安慶府桐城縣及廬州府
無為州分界又東北經桐城縣界東南一百二十里
對岸為貴池銅陵二縣接界又東北流入無為州界
歷府境四百二十里 荻港河在銅陵縣東北五十
里其源有三合流至北下社入江案劉宋泰始中李
安民擊赭圻湖白荻浦獺窟皆捷荻浦即荻港也

泥汊河源出廬江縣黃陂湖東流入無為州界至州
東南五十里入江 大清一統志

荻港河在銅陵縣北八十里源出朱村會各鄉之水
至北下社入江 江南通志

續行水金鑑卷百五十一

江水 十

經繁昌縣西北蕪湖縣西南有石碓河自南陵縣來會
皇朝通志

又東北經繁昌縣西北境北岸有珊港汛口中有數
洲又東北經北岸與龍鎮南南岸三山鎮北 奧龍鎮以西俱

無為州境三山鎮係繁昌北境有三山磯濱江又東北為南岸蕪湖縣西南
境之石碓河口 石碓河源出南陵縣西南山東北流經縣城東南又東北受西來二小水

即西出小龍山馬耳山者又北有一湖自東合南來一水并東南達清弋江支津西流來會於繁昌東境又北至蕪湖縣南境石碓鋪之西折西北流至魯港鎮西南入江其北岸稍東即和州南境之裕溪口也

北岸為和州南境之裕溪口 水道提綱

太平府志大江自池州府銅陵縣界東北流經繁昌
縣北五十里與無為州分界又東北經蕪湖縣繁昌

縣志江面廣濶凡數十里蕪湖縣志自繁昌螭蟹磯
至縣界之魯港十里廬州府志大江在無爲州東南
自安慶府桐城縣流入州界爲石灰河口又十九里
抵泥汊河又三十里抵柵港口又六十里抵梟磯又
三十里抵裕溪口入和州界上下二百餘里與池州
府銅陵縣太平府繁昌縣對境無爲州志凡境中之
水在州東者柵港河在州東南者泥汊河在州東北
者運河裕溪河 濡須水在巢縣南一名柵口水又
名石梁河源出巢湖東南流經無爲州東入江三國
魏志武帝紀建安十八年進軍濡須口水經注柵口
水導源巢湖東經烏江城北又東經南譙繞郡城南
又東經附農山北又東左會清溪水又東左會白石
山水又東經石塘至東關南城又東南注於江寰宇
記巢縣濡須水源出縣西巢湖亦謂之馬尾溝東流
經亞父山又東南入江與含山縣分中流爲界宋史
劉錡傳錡與金人夾石梁河而軍河通巢湖廣二丈
錡命曳薪疊橋須臾而成通鑑地理通釋濡水與和
州含山縣分中流爲界濡須山在含山縣西南七十
五里與無爲軍七寶山對峙中爲石梁鑿石通水山
川險阻舊志亦名天河自巢湖入口經流巢縣南又
東南經七寶濡須兩山間亦曰東關水無爲州志柵
水出東關口爲海子口河又東南經黃洛河湛河過

新裕口又東南入江口柵口在州東五十里東北去

和州一百五十里今坍入江大清一統志

裕溪河在無為州東北百二十里又東北百里有樸

樹河東北四十里有運河合於馬場河俱入大江江南

通志

又東北有魯明江即清弋江匯旌德太平石埭涇縣諸

水經宣城縣又經蕪湖城南來會皇朝通志

又東北為蕪湖縣西北之魯港口魯明江南匯旌德

太平石埭涇縣諸水東北流經宣城西北境曰清弋

江折西北流經蕪湖城南而西北注之魯明江即清弋江有三源

東南源曰梅溪河出旌德縣南與績溪縣界之鋪頭鎮南山北流數十里經縣城東又北折西北流經三

續行水金鑑卷二百五十一 江水 十一

溪鎮南又西北流依山麓折而東北至涇縣南境烏

溪鎮之西合南來三小水又北經縣城東又北西南

二源水合自西南來會南源曰小溪河出太平縣

南與歙縣界黃山北麓北流八十餘里經縣城東又

北稍西北曲曲入十里而石埭水自西南來會西

南源曰陽溪河有三源一出石埭縣西北分水嶺其

西北流即青陽縣水也此溪東南流至縣城西南與

西南源之出郭村山者會而東經城南又東北流與

南源之一出焦村一出崔村合而北流者合又東北

七十里與小溪河會陽溪河既會小溪河又東北流

百餘里至涇縣北境與東南來之梅溪河會又東北

九十里分支津北流入橫湖注石碓河北入江正流

東北流八十里至宣城縣西北境之灣沚鎮西北又

分二派一西北流經方村鎮東又西北流一東北流

至黃池鎮南有烏溪鎮水東北自水陽河來會又分

支渠北達水陽河其一支西北流與方村鎮一派合

日縣河西流經蕪湖縣城南折而西北流經魯港鎮

之東北入江此水三源皆在黃山之北水道提綱

清弋江在蕪湖縣東南即清水也一作應洽水徐鍇

說文繫傳漢書丹陽宛陵有清水至蕪湖縣入江應

冷水出丹陽宛陵然則清冷同也蕪湖縣志清弋江
自宣城縣北合黃池水至縣東南界入於長河又分
為黃池水北行滙為路西河又北入當塗縣界合姑

溪入江大清一統志

魯港在蕪湖縣南十五里源出宣城西注大江一名

魯明江舊志云昔有魯明仲者居此江南通志

經太平府治當塗縣西南有姑孰溪自寧國府經當塗

縣合廣德州建平高淳諸水來會皇朝通志

又東北六十里至太平府治當塗縣西南境之水陽

江口水陽江即姑孰溪南自寧國府北流至當塗會

廣德建平高淳諸水西北流注之水陽江南出寧國縣有二源西南源

續行水金鑑卷百五十一

江水三

出縣南與績溪縣界之叢山關西北流有四小水
東西來會又北流經胡樂司西又北流數十里日西
河折東流至蟠龍鋪之西北有一溪自南合東來二
水來會又東北流六十里經縣城西北有東河自東
南來會東南源即東河又有二源一東南出與浙江
界山兩水西北流合經獅橋鎮南又西北至石口鎮
南折而北流有一水自南合二溪北流百餘里來會
又折東流經梅花鎮北而東又折北流經河瀝溪鎮
西又西北八十餘里至縣城東北又北與西河會於
可渡鎮之西始曰大河北流又西北經杜遷鎮黃渡
鎮西受西南來之小水二又北分為二派一北流一
西北流數十里至寧國府治宣城縣東南又分二支
一北經府城東北即折東北流一北流二十餘里合
於府北山東麓稍東北折東北流一北流自南來會又東
北復分為三派一派東流會裏南湖一派自南來會又東
高淳縣東南之因城湖一派北流八十里至水陽鎮
西南有支津與東北流者通又北流四十里折西北
流至烏溪鎮東南有支津與清弋江之經灣汴者會
又西北流分為二派一西流有黃池河南自黃池鎮
通清弋江來會又西稍北流經太平府南境而西至
東梁山之南麓其前分一派西北流於府東南又分
為二一西流一北流會高淳縣塘溝河西流經府城

南折而西南流會前西流之派又西南於東梁山東
南麓復會西入大江水出廣德州者有二源一曰
東溪亦有二源一東南出與浙江界山西北流至廣
德州城東北一東北出杭村鎮西南流至州城東北
合而西北有平縣東南有西溪自南來會西流出
山折而西至建平縣東南有西溪自南來會西流出
州南境陳陽司南山北流數十里經柏店東折西北
流有水合二溪自南來會又北百數十里會東溪河
又西有水西南自唐尼嶺北流經十字鋪又東北來
會又西北經縣城西南又西北曰溪河西入南碕湖
南碕湖之南曰襄南湖北曰因城湖實一澤東西狹
南北長南承洪村橋水為襄為湖有姑孰溪支津西
南自寧國府東北來會迤而東北受一東南來之水
又北有溪河東南自建平來注之又東北經定埠鎮
西又北有胥河東自溧陽來會湖水自西北流有姑
孰溪支河西南來會又北而西經高淳縣城南又西
北經滄溪鎮東北有石曰湖水自北支津相會又西
北曰塘溝河經薛鎮南又西北至太平府東南水陽
河支津自南來會又西北至城東南分為二派一經
城南而西南流合水陽河於東梁山麓西入江一
經城東而北石曰湖支水自東來會於府城西北入
江石曰湖在高淳之北溧水縣之西南東西長八

續行水金鑑卷五十一

江水古

十里西南支津通高淳縣西之塘溝河自湖北流出
一水經博望鎮東又北折而西流經丹陽鎮南又西
曰新河經府城北而西至采石鎮之南入江水道提綱

續文獻通考大江在太平府城西北五里太平府志
大江在府西即洋子江也又東北經蕪湖縣西五里
又東北經當塗縣姑孰溪在當塗縣南即姑孰水
也一名姑溪一名姑浦元和志姑孰水在縣南二里
姑孰城因此名寰宇記姑浦水南岸立津以譏行旅
太平府志丹陽湖北股西行經陳進盱北受橫望港
水又西過武山南受武山港水又西過青山北又西
過白紵凌家二山南是為姑溪又經縣南為南州泮
受胭脂港水又西北受襄城港水為三江口又西北

受淮渡港水又西北過采石鎮又北經新河至寶積

山入江大清一統志

至和州南有巢湖水自廬州府合肥縣合合肥之肥水

舒城之界河潛山之巴羊河及巢縣無為州諸水來會

皇朝通志

南岸博望山與北岸和州南之西梁山隔江相對亦

曰天門山博望山今日東梁山對也又東北北岸為橫江

口牛屯河西自巢湖來注之巢湖在廬州府治合肥縣南境廬江縣北

界東西廣百餘里南北八十餘里形稍方中有姥山

姑山近西岸為江北巨澤周四百里自合肥南界諸

水皆匯注之其上源則肥水及舒城縣之巴羊河也

一水西自小蜀山來會又東南經府城北又東有店

埠河東北自圖疇來會又南流九十里入湖肥水之

續行水金鑑卷五十一

江水 五

西南曰派河出西南大尖山之東麓東流經派河驛

南又東流稍南入湖派河之南曰界河即桃溪也源

出舒城縣西北界山東流經桃城鎮南又東北流折

而東南入湖與西南來之巴羊河合巴羊河源較

諸水最遠出潛山縣北界小路之北山其山以東之

水皆東南會桐城之樅陽其西水即此河也東北流

經桐城西北之五嶺山馬嶺山西麓曲曲已二百里

東北至龍河口有龍河北自舒城縣城西來注之又

東流數十里經縣東南境又東北八十里會界河入

湖湖自肥水口東南經忠廟鎮桐陽鎮南又東南有

支渠東流有柘臯河東北自浮槎山又有閣鎮河

自東合而南流來會其南又受一小水東稍南流經

巢縣城南又東南八十餘里至黃落河鎮之東北分

為二派其南流者經漕運鎮西又分二派一於鎮南

東合其一南流經無為州東境又南分為二派一正

南於泥汙鎮之西入江正與東岸荻港相對一東流

經漕運鎮北而南又合西南支津稍南又分為二派

一東南流經雍家鎮之北而東南入江曰裕溪口正

與蕪湖魯港鎮相對其東北流者即運河亦曰牛屯

河又東北經和州東南境之西北梁山北又東北入江

即古橫江正對東岸太平府西北之采石磯也水

道提
綱

太平府志大江又東北經當塗縣西與和州分界廬州府志大江抵裕溪口入和州界和州志大江在州東南江防考大江上接無爲州下接應天府凡一百一十里與太平府中流分界江流自西南繞而東北故昔稱和州爲江西 巢湖在合肥縣東南六十里廬江縣北七十里舒城縣東北一百三十里巢縣西十里周回四百餘里港汊大小三百六十納諸水以注大江爲淮南巨浸一名灤湖亦曰焦湖後漢書明帝紀永平十一年灤湖出黃金廬江太守以獻注灤湖湖名在今廬州合肥縣東南三國吳志孫亮傳太

續行水金鑑卷三百五十一

江水
共

傅恪率軍過灤湖陳書宣帝紀太建十一年中領軍樊毅領水軍自東關入焦湖王應麟通鑑地理通釋巢湖本爲巢縣地後陷爲湖今與巢縣廬江縣分湖爲界廬州府舊志在巢縣西十里有東口在縣西南十里其水由此入江 肥水源出合肥縣西南紫蓬山北流二十里分爲二其一東流經合肥縣又東南入巢湖其一西北流二百里至壽州入淮爾雅釋水歸異出同日肥三國魏志武帝紀建安十四年軍至譙自渦入淮出肥水軍合肥水經注肥水出九江成德縣良余山北流分爲二水施水出焉又北經荻城東又北經荻邱東右會施水支津首受施水於合肥

縣城東西流經成德縣注於肥水唐書地理志淮南道其大川肥寰宇記肥水出合肥縣西南八十里藍家山東南流入於巢湖輿地紀勝古巢湖水北合於肥河故魏窺江南則循渦入淮自淮入肥由肥而趨巢湖吳人撓魏亦必由此司馬遷謂合肥壽春受南北潮蓋此水耳王圻續文獻通考肥水在廬州府城南七十五里水出雞鳴山北流二十里分爲二其一東南流入巢湖其一西北流入淮水南畿志肥水北流有洗馬灣黃連門二河合流而北入壽州界大清一

統志

界河在舒城縣東北三十里一名桃城水源出六安

續行水金鑑卷二百七

江水 七

淝河入於巢湖

江南通志

經太平府城北之采石磯

皇朝通志

又東北經太平府城北之采石磯卽古牛渚

水道提綱

大江在府西自銅陵縣界流入歷繁昌蕪湖當塗三縣東北流入江寧縣界采石山在府西北二十五里昔入采五色石於此因名一名翠螺山丹陽疆域志云西臨大江爲吳楚險要晉王渾駐師取吳隋韓擒虎宵濟破陣宋曹彬渡江取南唐明常遇春先登獲捷皆在此山南有磯峭拔險峻亦曰牛渚舊傳金牛出故名輿地志云温嶠平蘇峻亂至牛渚磯以下多怪物然犀照之奇形異狀畢見南址有然犀亭在

其上李白騎鯨亦在此故謫仙樓捉月亭皆在焉江

通志今按采石磯新開河在太平府西北二十五里牛渚磯東宋慶歷中以采石磯當江流之衝水勢洶激每妨舟楫乃開新河於磯東以達大江上下風檣安穩而渡

經江寧縣西南江浦縣東皇朝通志

又東北經江寧驛西又北流經烏江鎮東板橋鎮西

東岸有秦淮支津口又北有支津口二江寧縣西南

境其西岸即江浦縣東境也水道提綱

太平府志大江在府西又西川曰西江又名夾江接

銅陵縣界下至和尚港接江寧界和州志大江自無

為州流入江寧府江浦縣界大清一統志

經江寧府城西北折東北流有秦淮水自句容縣合丹

續行水鑑卷五十一 江水 六

徒溧水縣水經上元縣東南至府城分二派先後來會

皇朝通志

又北至江寧府城西北境折東北流經北岸浦口南

南岸有秦淮口秦淮水源出句容縣北華山東南流折而南八十里經縣城東而南又西

南五十里有運河東北自鎮江府丹徒縣南境西南

流來會又西南六十里至柘塘鎮西北有水東南自

溧水縣西北山來會折西北流至秣陵鎮東有湯水

北自湯泉東南曲曲流經句容西北境折而西經湖

熟鎮北又西南七十餘里來注之又西北流經上元

縣東南境之方山西又西北百里至府城東南分為

二派一派西流又分為三一派南流四十里至板橋鎮

之西北入江正對和州東北境之烏江鎮也一正西

流入江一西北流入江正當府城西南其西岸隔江

即江浦縣城東境也一派北流入府南城又西北流

出城西門與支津自南來會又北經西城外而過龍

江關入江隔江北岸稍西即江浦縣北境渡江孔道

之浦子口也

水道提綱

太平府志大江又東北經當塗縣西與和州分界又東北流入江寧府江寧縣界和州志江水自和州城北下經烏江縣東五里與上元縣分中流爲界江寧府志大江自和州界東北流入經江寧縣西四十里北岸經江浦縣東南三里又東北經上元縣 秦淮源出溧水縣北西北流合諸水經上元縣東南入通濟水門橫貫府城中西出江寧縣三山水門又西北沿石頭城西又西北入大江晉書王導渡淮使郭璞筮之卦成璞曰吉淮水竭王氏滅晉陽秋秦時所鑿故曰秦淮南史梁天監九年新作緣淮塘又陳禎明二年淮渚暴溢漂沒舟乘元和志淮水源出華山在

丹陽湖熟兩縣界西北流經秣陵建康二縣之間入江寰宇記淮水源從溧水縣西北流百五十里縈紆京邑之內至石頭入江縣亘三百里宋史乾道五年守臣張孝祥言秦淮水有三源一自華山由句容一自廬山由溧水一自茅山由赤山湖至府城東南合而爲一流經上水閘入府城別爲兩派正河自鎮淮新橋直注大江又府東門有順聖河分秦淮之水自南門外直入於城故秦淮無泛濫之患今一半淤塞爲田請疏導之建康志本名龍藏浦有二源一自華山經句容西南流一自東廬山經溧水西北流入江寧界至方山埭合流注江或曰方山西瀆直屬土山

三十里是秦所開江寧府志自吳至六朝都城皆南去秦淮五里史所稱柵塘是也梁時作塘又作兩重柵自石頭至方山運瀆總二十四渡皆浮航往來亦曰二十四航楊吳時改築金陵城乃貫秦淮於城中

大清一統志

經句容縣北六合縣東南有滁河自含山縣經全椒江

浦六合來會

皇朝通志

又東北經鍾山攝山北中有長洲至南岸句容北境龍潭驛北北岸為瓜步山六合縣東南水口有滁河

西自含山全椒來東南流注之

滁河出含山縣西北黃山東南流經縣北

境山中九十里曰後河折而東北至全椒縣東南境有一水北自花山合三溪來會又東北經東葛驛南

續行水金鑑卷三十一

江水 三

江浦縣北境又東北至山麓曰天河又東北至六合縣西南有一水自北來會經縣城南而東折東南流至瓜步口入江江有洲水道提綱

鍾山在江寧府東北十五里朝陽門外即古金陵山

也山時有紫氣故又名紫金山漢秣陵尉蔣子文吳

為立廟此山因改為蔣山又曰聖遊山又曰北山山

半有井曰應潮或云其水與江潮為盈縮朱子云天

下山皆發源於岷山蔣山實其脈之盡者 攝山在

江寧府東北四十五里多藥草可以攝生因名輿地

志云攝山形方四面重嶺似繖亦名繖山西北有水

注江乘浦入攝湖即秦始皇所從渡江者

江南通志

東流經儀徵縣西南運河分流自江都來會

皇朝通志

大江又東流過南岸河口鎮炭渚驛北北岸有北新洲卽儀徵縣城西南之汊河口運河東北自江都南境分流來注之

水道提綱

運河卽古邗溝水舊曰官河北自淮安府山陽縣界南流入經寶應縣高郵州西又南經揚州府城東至揚子橋三汊口分爲二支一支西南流經儀徵縣東又分爲二一南流至舊江口入江一西南流至下江口入江爲上江運糧入河之口一支南流卽伊婁河至瓜洲鎮西南入江爲江南運糧入河之口左傳哀公九年吳城邗溝通江淮注吳於邗江築城穿溝東通射陽西北至末口入淮今廣陵邗江也漢書地理

續行水金鑑卷三皇土

江水三

志江都有渠水首受江北至射陽入湖水經有中瀆水酈注謂之韓江亦曰邗溟溝自江東北通射陽隋書開皇七年開山陽瀆以通漕通鑑大業元年開邗溝自山陽至揚子入江渠廣四十餘步渠旁皆築御

道樹以柳

大清一統志按餘詳見運河

今

經鎮江府丹徒縣西爲京口運河自此南達於杭

皇朝

通志

稍東有福德洲又東過南岸高資鎮北又東經鎮江府治丹徒縣西境之北固山銀山東爲京口運河自

此南達於杭

水道提綱

江寧府志大江又東北經上元縣北四十里北岸經

六合縣東南二十五里又東經句容縣北七十里與揚州府儀徵縣分界又東入鎮江府丹徒縣界亦曰揚子江又稱宣化江揚州府志大江自江寧府東六合縣東流入儀徵縣南其對岸為句容縣又東經江都縣南四十里瓜洲鎮渡口對岸為鎮江府丹徒縣鎮江府志大江自句容縣界東流入經府城西北與揚州府江都縣分界大清一統志北固山在鎮江府北下臨長江回嶺陡絕其勢險固故名又名北顧山因梁武帝改京口城樓曰北顧樓得稱 銀山在鎮江府西江口舊名土山唐劉禹錫詩土山京口峻是也元時以與金山對峙易今名今

續行水金鑑卷一百五

江水 三

亦名雲臺山山側為鎮屏山下有潮音洞

江南通志

江中有金山北岸經江都縣南為運河口即淮揚邗溝

入江處

皇朝通志 今按 運河邗溝俱詳見上文

江中有金山

在府城西北 銀山之北

北岸為運河口即淮揚邗

溝入江處

在江都縣南 水道提綱 按運河邗溝俱詳見上文

今

金山在鎮江府西七里大江中初名浮玉山風濤環遶勢若飛動巖洞泉石皆名勝也九域志云唐裴頭陀於此開山得金因賜金名然梁天監四年僧祐高寶誌於金山修水陸會則金山之名當在唐前又名伏牛山宋真宗夢遊其山又改名龍遊山旋復故名有金鰲妙高等峯浮圖冠上有泉名中冷陸羽以為

天下第一山東有日照巖一曰朝陽洞東麓有善才石一曰鵲峯西有石排山隱出水面若簾篔然

江南通志

又東有焦山

皇朝通志

稍東卽瓜洲鎮港口南岸自京口東經府城北之蒜

山京峴圖山江中有焦山

水道提綱

蒜山在府西五里元和志云臨江絕壁山多澤蒜因

名或曰算山謂周瑜與諸葛亮議拒曹操之所東晉

孫恩浮海至丹徒劉裕大破其衆於此山本寬廣宋

元間淪入於江今西津渡口水中孤峯獨峙者也

京峴山在府東五里京口京鎮皆因名一名丹徒峴

或稱荆峴 圖山在府東北六十里濱大江江流自

續行水金鑑卷二百五十一

江水 三

東而西而北轉屈之間層峯峭壁俯瞰湍波京口之

咽喉也山有上下二箭洞下有東霞寺 焦山在府

東北九里大江中舊傳以東漢焦光隱此得名寰宇

記通典亦謂之譙山亦曰浮玉山與金山對峙相去

十五里上有焦山嶺三詔洞以焦光三詔不起也

江南

通志 今按大江經焦山南而東十餘里有丹徒港卽通志所稱丹徒港在鎮江府東南十五里南抵漕

河有壩北入於江者今建閘設官以司啟閉

又東經泰州南丹陽縣北有九曲河口

皇朝通志

又東爲府東水口江中洲嶼稍多自此又折東北流

北岸有芒稻河口泰塘港口南岸爲大港鎮東之安

港鎮口

計自江西湖口東北流至此而極徑一千二百餘里

北岸自江都東南

至泰州界也江始折東南流北岸有白塔河口又東

南為泰州西南之河口又南為州南境口岸司南在

江之東岸其西岸即安又東南經西南岸丹陽縣東

北之包涇鎮有九曲河口江心有二洲自此江濶四

十餘里矣水道提綱今按芒稻河秦塘河白塔河九曲河俱詳見運河

揚州府志大江又東經江都縣南瓜洲鎮渡口對岸

為鎮江府丹徒縣又東入通州泰興縣界鎮江府志

大江東流入經府城西北與揚州府江都縣分界又

東經丹陽縣元和郡縣志晉祖逖擊楫自誓之所舊

濶四十五里大清一統志

經常州府武進縣北有連江橋河新園河口北岸為泰

續行水金鑑卷三百五十一 江水 孟

興縣南皇朝通志

稍東為孟河口又東為常州府治武進縣北境之連

江橋河及新園河口北岸即泰興縣城南河口也河口

南岸即新園河東之圩塘鎮水道提綱今按孟河口連江橋河新園河口城南河口俱詳見運河

大江又東經丹陽縣東北六十里又東入常州府武

進縣界即揚子江也大清一統志

又東北經靖江縣南江陰縣北有黃田港口皇朝通志

又東稍北流復折東南經靖江縣城南南岸即江陰

縣城西北之君山靖江縣西南濱江江中有二大沙洲即馬馱沙有黃田港

口在君山西水道提綱今按黃田港詳見運河

大江自鎮江府丹陽縣流入經武進縣北又東至江

陰縣北又東入蘇州府常熟縣界禹貢漾水東爲北江入海漢書地理志毘陵縣江在東北入海寰宇記江陰縣北至江二里至江心泰州海陵縣界四十里通志大江在府北五十里江陰縣北一里而靖江之東南也西自丹陽入界經府治北東抵江陰東北與通州泰州相對行郡境一百八十餘里靖江縣志大江舊自郡北迤東至今縣西分爲二派繞縣南北以入海縣居江海之交中流屹立明天啟以來潮沙壅積北大江竟爲平陸

大清一統志

君山在江陰縣北二里君謂春申也亦名瞰江山突起平野橫枕江流四望無際延攬可爲雄勝有浮遠

續行水金鑑卷百五十一

江水 三五

堂取東坡江遠欲浮天之句以名

江南通志

又東北經如臯縣南通州西又東北經常熟縣西

通志

皇朝

又東稍北過山麓北岸爲如臯縣南境河口又東北至通州西境之廟港觜江流極濶東西相望六十里稍折而南經州西南馬鞍山黃泥山西麓山南岸爲江陰東境橫河口又東南爲楊舍鎮南之谷瀆港口又東爲常熟縣西北境之奚浦港口

水道提綱 今案南境河口廟

港觜橫河口谷瀆港奚浦港俱詳見運河

常州府志大江又東至江陰縣北又東入蘇州府常熟縣界蘇州府志琴川至揚子大江在縣東迤而北

與通州對岸九域志常熟縣有大江亦名揚子江

清一統志

大江在通州南二十里西自江都入泰興縣界過如
臯北於州治東至料角嘴入海南與太倉州海口相
望 馬鞍山在通州塔山西一統志謂以形似名舊
志云隋煬帝征高麗牧馬於此 塔山俗名黃泥山
在狼山西舊傳有女子得道於此下有仙女洞其西
下有石刻通濟閘三字蓋元時海運故道也

江南通志

又東為福山港

皇朝通志

又東為福山港口福山城山在口西北臨大江與北
岸通州南境鹽河口之狼山遙對為大江門戶狼山

續行水金鑑卷三十五

江水 三

之東有龜山在水口與南岸劍山相望又東江流益
濶經永安鎮南南岸為土堡河口又東南為徐六涇
口南北濶八十里福山港在常熟縣北四十里自城
北水門流三十里經斜橋又二十里經福山下入於

江水道
提綱

福山港在常熟縣北宋邨亶日常熟有福山東橫塘
福山西橫塘古人東取海潮北取揚子江水灌田姑
蘇志福山塘自縣城北行四十里入揚子江
福山在常熟縣西北四十里俯臨大江與通州之狼
山相望境特雄本名覆釜唐改為金鳳五代吳越改
今名 狼山在通州南圖經云與劍軍等五山相屬

大清一統志

又名狼五山相傳有白狼居此或云山形似狼也形勝甲淮南蓋一方之鎮也又有神人鞭石處世傳秦皇時事也 劍迹山在狼山東一名刀叉山世謂秦始皇淬劍於此有磨劍石今墜於江江南通志 今按如阜縣東一百三十里有掘港西通運鹽河東抵海其地為廣陵東南門戶掘港通運鹽河運鹽河又通運河以受納江水

又南經昭文縣東北有白茅浦口

皇朝通志

又南為昭文縣東北境之白茅浦

自浦而南為太倉州北之七鴉浦東

踰海港即崇明縣懸居海中為大江口南之護沙自白塔口東南至蓼角嘴白茅鎮七百里 水道提綱

白茅港在常熟縣東七十里本丹陽練湖常郡瀆湖

諸水為震澤不能容者溢而東南從無錫蠡蠓諸湖

續行水金鑑卷三十五十一

江水 三

入常熟之華蕩繞縣城南而東北流至鮎魚口又東

二十五里經支塘市又東稍北二十六里達白茅口

入於江

水道提綱

大江自常州府江陰縣流入昭文縣界東則白茅浦

白茅浦在昭文縣東宋大理丞周環議以太湖東

北由諸浦入江其沿江洩水惟白茅浦最大元明時

屢經濬治常熟縣志康熙二十年巡撫慕天顏濬白

茅浦自支塘迤東以至海口淤道四十三里

大清一統志

北岸經餘西餘中餘東呂四諸場之南又北至蓼角嘴

與海中之崇明縣相對入於海

皇朝通志

北岸自永安鎮東北經餘西餘中餘東呂四諸場之

南又北至蓼角嘴與西南昭文白茅浦相望正南與
崇明縣西北平安鎮舊城相望是為大江入海之口
蓼角嘴之東為大海洋西南徑白茅浦百四十里正
南徑崇明舊縣百二十里水道提綱今按餘西
餘中餘東呂四諸場南接江東濱海固為淮南魚鹽
之藪而其境據江國之末流控海天之上澳一洲躡
踞亦江海
關鍵處也

大江在太倉州境東北入海崇明縣懸居海中北接

通州界

大清
一統志

大江在昭文縣北西接江陰之涸瀆浦東至太倉界
之撐脚浦福山縣居其中北對通州狼山最為險要

江南
通志

大江自常州府江陰縣流入昭文縣境又東流入海

續行水金鑑卷一百五十一

江水
三

崇明縣唐為海中沙洲五代時楊吳為崇明鎮屬通
州海門縣宋嘉定十五年置天賜鹽場元至元十四
年置為太倉州以縣屬焉州境皆東濱海去州城東
北七十五里崇明懸居海中

乾隆府廳
州縣圖志

續行水金鑑卷一百五十一終

